



Broj: 01/1-45- /23  
Bihać, 06.04.2023.godine

### ZAPISNIK

sa 2. redovne sjednice Skupštine Unsko-sanskog kantona,  
koja je održana dana 06.04.2023. godine

2. redovna sjednica Skupštine Unsko-sanskog kantona održana je dana, 06.04.2023.godine (četvrtak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Jasmin Musić, predsjedavajući Skupštine Unsko-sanskog kantona, pozdravio je sve prisutne u sali, te prije samog početka radnog dijela sjednice, upoznao je prisutne da je od Centralne izborne komisije Bosne i Hercegovine zaprimljeno Uvjerenje o dodjeli mandata i Odluka o prihvatanju mandata za zastupnicu Irmu Fatkić, iz razloga što je zastupnik sada već premijer Mustafa Ružnić, odustao od mandata.

Obzirom da je Irma Fatkić prihvatila mandat, zvanično preuzima funkciju polaganjem svečane izjave i pridružuje se Klubu NES-a.

Kako je završen svečani čin, u uvudnom dijelu sjednice, Jasmin Musić, predsjedavajući Skupštine Unsko-sanskog kantona, konstatuje da je na sjednici prisutno 30 zastupnika i obrazlaže da je Kolegij Skupštine utvrdio dnevni red za 2.redovnu sjednicu na osnovu materijala koji su se nalazili u Službi Skupštine, a koji su dostavljeni zastupnicima u poslovničkom roku.

U skladu sa odredbama 52. i 53. Poslovnika Skupštine, zaprimljene su dopune dnevnog reda koje je podnijela Vlada Unsko-sanskog kantona, i to:

- Finansijski plan JU „Služba za zapošljavanje Unsko-sanskog kantona“ Bihać za 2023.godinu i Odluka o izvršenju Finansijskog plana JU „Služba za zapošljavanje Unsko-sanskog kantona“ Bihać za 2023.godinu,
- Prijedlog Budžeta Unsko-sanskog kantona za 2023.godinu i Prijedlog Zakona o izvršavanju Budžeta Unsko-sanskog kantona za 2023.godinu, na donošenje po hitnom postupku.

Prije otvaranja rasprave o dopunama dnevnog reda, istikao da se shodno članu 137. Poslovnika Skupštine očitovala Komisija za ustavna, zakonodavno pravna i pitanja evropskih integracija o materijalima sa aspekta opravdanosti hitnog donošenja Budžeta USK-a i prijedoga Zakona o izvršavanju Budžeta USK-a za 2023.godinu.

Zatim je pozvao Mustafu Ružnića, premijera Unsko-sanskog kantona da obrazloži zahtjev za dopunu dnevnog reda kao i razloge hitnosti donošenja navedenih akata i predsjedavajućeg Komisije za ustavna, zakonodavno pravna i pitanja europskih integracija da iznese stav Komisije po pitanju opravdanosti hitnog donošenja pomenutih akata.

Bez diskusija o dopunama dnevnog reda, prijedlog da se dnevni red dopuni sa tačkom Finansijski plan JU „Služba za zapošljavanje Unsko-sanskog kantona“ Bihać za 2023.godinu i Odluka o izvršenju Finansijskog plana JU „Služba za zapošljavanje Unsko-sanskog kantona“ Bihać za 2023.godinu, sa 25 glasova „za“, 1.glasom „protiv“ i 4 glasa „suzdržan“ dobio je potrebnu većinu.

Prijedlog da se prijedlog Budžeta Unsko-sanskog kantona za 2023.godinu, razmatra po hitnom postupku, sa 21 glasom „za“, 1.glasom „protiv“ i 8 glasova „suzdržan“, dobio je potrebnu većinu.

Prijedlog da se prijedlog Zakona o izvršavanju Budžeta Unsko-sanskog kantona za 2023.godinu, razmatra po hitnom postupku, sa 20 glasom „za“, 1.glasom „protiv“ i 9 glasova „suzdržan“, dobio je potrebnu većinu.

Prije samog početka sjednice Jasmin Musić, predsjedavajući Skupštine Unsko-sanskog kantona, upozna je prisutne sa nekoliko tehničkih korekcija unutar dnevnog reda, koje ne mijenjaju suštinu materijala a koje se odnose na to da je prilikom izrade nacrtu dnevnog reda današnje sjednice u tački 1. došlo do tehničke greške na način da su se u dnevni red unijela 3 zapisnika sa konstituirajuće sjednice, a radi se o jednom zapisniku koji se sastoji od tri dijela dok se kod tačke 3. nalazi prijedlog odluke sa rang listom, a radi se o Rang listi sa prijedlogom Odluke i u tački 4. briše se suvišni dio tekst koji glasi Prijedlog Odluke o davanju saglasnosti, obzirom da Skupština ne raspravlja o prijedlogu Odluke već o finansijskom planu.

Shodno navedenom a primjenom člana 6. stav (5) izmjena i dopuna Poslovnika ja ću iskoristiti pravo da uz stručnu pomoć službe izvršim tehničke izmjene utvrđenog dnevnog reda u odnosu na usvojene dopune i korekcije koje sam naveo, tako da dnevni red 2.sjednice Skupštine Unsko-sanskog kantona glasi:

1. Zapisnici sa sjednica Skupštine Unsko-sanskog kantona:
  - a) Zapisnik sa Konstituirajuće sjednice održane dana 14.11.2022.godine, 02.12.2022.godine i 28.02.2023.godine;
  - b) Zapisnik sa 1., 2. i 3. vanredne sjednice održane dana 23.12.2022.godine, 25.01.2023.godine i 15.03.2023.godine;
  - c) Zapisnik sa 1. redovne sjednice održane dana 20.03.2023.godine;
2. Poslanička pitanja,
3. Izbor i imenovanja:
  - a) Rang lista - lista sa najboljim kandidatima za izbor članova Nezavisnog odbora sa Prijedlogom Odluke,
4. a) Prijedlog Budžeta Unsko-sanskog kantona za 2023.godinu i  
b) Prijedlog Zakona o izvršavanju Budžeta Unsko-sanskog kantona za 2023.godinu,

5. Finansijski plan Zavoda zdravstvenog osiguranja Unsko-sanskog kantona za 2023.godinu i Odluka o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2023.godinu,
6. Finansijski plan JU „Služba za zapošljavanje Unsko – sanskog kantona“ Bihać za 2023.godinu i Odluka o izvršenju Finansijskog plana JU „Služba za zapošljavanje Unsko – sanskog kantona“ Bihać za 2023.godinu.

## **RASPRAVA I ODLUČIVANJE PO UTVRĐENOM DNEVNOM REDU**

### **Ad.-1**

#### **Zapisnici sa sjednica Skupštine Unsko-sanskog kantona:**

- a) Zapisnik sa Konstituirajuće sjednice održane dana 14.11.2022.godine, 02.12.2022.godine i 28.02.2023.godine;
- b) Zapisnik sa 1., 2. i 3. vanredne sjednice održane dana 23.12.2022.godine, 25.01.2023.godine i 15.03.2023.godine;
- c) Zapisnik sa 1. redovne sjednice održane dana 20.03.2023.godine;

Učešće u diskusiji uzeli su Elvira Abdić Jelenović, Nisvet Jusić i Azra Tajjić.

Zastupnica Elvira Abdić Jelenović, ističe da: Pored sugestije koju je imao predsjedavajući za tehničke ispravke, želim konstatirati da smo mi jedini kanton koji je izvršio konstituiranje kantona na vanrednoj sjednici, da ostane ta konstatacija jer je predsjedavajući Skupštine Unsko – sanskog kantona umjesto na konstituirajućoj izabran na vanrednoj sjednici, čisto radi zapisnika.

Moja sugestija se odnosi na početak svakog zapisnika gdje Služba evidentira broj poslanika koji su prisutni na sjednici. Kod nas se prilikom izjašnjavanja o sve i jednoj točki dnevnog reda taj broj razlikuje od onog broja koji je na početku utvrđen da je na sjednici, pa pošto smo mi na početku ovog mandata ja bih imala sugestiju da prije izjašnjavanja o svakoj točki o kojoj se Skupština izjašnjava da predsjedavajući i Služba utvrde broj zastupnika koji su prisutni.

Drugu stvar koju isto tako želim, samo na zapisnik s 1. redovne sjednice, u samom uvodu piše da je na sjednici prisutno 27 poslanika od kojih su 3 poslanika bila opravdano odsutna. Mi znamo da je na vanrednoj sjednici koja je održana imenovana Vlada Unsko – sanskog kantona, da je imenovani premijer ujedno bio i zastupnik u Skupštini, evo danas se to i potvrdilo da je ova ispravka uredu, znači danom potvrđivanja i prihvatanja davanjem prisege kao član Vlade Unsko – sanskog kantona prestaje biti poslanik u ovoj Skupštini, pa je onda trebalo na toj sjednici biti prisutno 26 poslanika, 3 opravdano odsutna, jer se premijer dalje spominje u zapisniku kao predlagatelj materijala.

Mislim da je u tom vakuumu možda ostala ta pogreška, ali je važno, ako je funkcija preuzeta, mandat predan, da nas je u datom momentu bilo 29, dok kolegica danas nije preuzela mandat.

Zastupnik Nisvet Jusić, ističe da je: Članom 81. Poslovnika Skupštine Unsko – sanskog kantona propisano da se na osnovu transkripta, odnosno stenograma, sačinjava skraćeni zapisnik sa sjednica Skupštine koji sadrži dnevni red sjednice, popis svih razmatranih akata, rezultate glasanja, pregled usvojenih akata i pregled diskutadata.

Zapisnici koje smo dobili nisu sačinjeni shodno navedenom članu Poslovnika te se veliki dio zapisnika opterećuje ponavljajućim sintagmama označavanja lica koja vode sjednicu a koje su jezički i semantički pogrešne. Obzirom da se u zapisnicima sa 1. i 2. vanredne sjednice pominju predsjedavajući 1. vanredne sjednice po ovlaštenju, tražim da se u zapisniku konstituirajuće sjednice navede da je članom 7. Poslovnika Skupštine Unsko – sanskog kantona propisano da ukoliko je predsjedavajući spriječen jedan od zamjenika predsjedavajućeg saziva sjednicu i da istom predsjedava do izbora novog predsjedavajućeg sa svim pravima i dužnostima predsjedavajućeg u redovnom sazivu, a u daljem tekstu bi to trebalo glasiti predsjedavajući konstituirajuće sjednice. Iz razloga što je predmetna odredba dala pravo predsjedanja sa svim ovlaštenjima i smatram da je vlo pogrešno koristiti termin zamjenik predsjedavajućeg iz prethodnog mandata.

Obzirom da taj termin samo ukazuje na identifikaciju lica koja mogu sazvati konstituirajuću sjednicu. Ni u kom slučaju se ne smije zanemariti funkcija predsjedavanja i sva prava i dužnosti koja su također data članom 7. stav 3. Poslovnika, te iz tih razloga tražim da se ovo izmjeni u zapisniku sa konstituirajuće sjednice, kao i u ostalim zapisnicima.

Sekretar Skupštine Dragana Bajrić, ističe: Vezano za ovu sugestiju po pitanju prvo opširnosti zapisnika sa konstituirajuće sjednice, upravo vezano za značaj konstituirajuće sjednice i samog postupka koji je proveden, žrijebanja i glasanja za konstituisanje same Skupštine, smatrali smo da taj zapisnik treba biti opširniji i na taj način smo i pristupili sačinjavanju takvog zapisnika.

Ova sugestija vezana za član 81. stoji i mi ćemo ubuduće i kao što smo do sad i radili, raditi izvode iz zapisnika koji će samo sadržavati ove podatke koji su vezani za dnevni red, popis razmatranih tačaka, rezultate glasanja, pregled usvojenih odluka i pregled diskutadata. Vezano za ovu primjedbu koja se odnosi na sintagmu koja se čitavo vrijeme provlači kroz sam zapisnik u smislu gdje smo definisali lice koje je vodilo Skupštinu, gospodin Nisvet Jusić, mi smo ga imenovali kao predsjedavajući iz prethodnog, zamjenik predsjedavajućeg iz prethodnog mandata, koje smo ustvari imali naviku iz prethodnih mandata, tako smo uvijek identificirali osobu koja ima ovlaštenje, a to je ta funkcija koju vuče iz prethodnog mandata, da je na taj način i identificiramo.

Ukoliko smatrate da, tako je ustvari potpisivao je sve odluke kao zamjenik predsjedavajućeg. Ja bih molila da ova Skupština, ja smatram da smo mi ispravno postupili u nazivu kad smo ga identificirali kao zamjenika predsjedavajućeg iz prethodnog mandata, ukoliko vi smatrate da se u samom zapisniku navede da je to predsjedavajući konstituirajuće sjednice, ali to nam se onda neće slagati sa aktima koje je on potpisao kao zamjenik predsjedavajućeg. Toliko.

Zastupnik Nisvet Jusić: ističe: Zahvaljujem Sekretaru na pojašnjenju, onda i ova formulacija koja se koristi nije u skladu sa aktima koji su potpisivani, dakle svo vrijeme. Dakle, ako vršimo, ako je to razlog zašto ona nije prihvatljiva onda bi trebalo stajati onako kao što stoji i u aktima koji su potpisani dakle od prvog momenta kad je sazvana konstituirajuća sjednica sa svim onim odlukama koje su kao takve usvajane do momenta izbora predsjedavajućeg Skupštine i konstituisanja rukovodstva Skupštine.

Sekretar Skupštine Dragana Bajrić, ističe: Po meni taj disbalans ne postoji suštinski jer je to samo kroz zapisnik identificirano da je to iz prethodnog mandata a odluke su potpisivane kao zamjenik predsjedavajućeg. Ukoliko smatrate, izbrisaćemo ovu identifikaciju iz prethodnog mandata, da ostane samo zamjenik predsjedavajućeg. Ja bih molila da se izjasnite o tome i da

možemo zauzeti određeni stav. Zapisnik je nešto što vi usvajate. Dajete primjedbe na zapisnik i po tim primjedbama vi morate donijeti odluku. Kako mi sad da mjenjamo, ja kao Sekretar, da mjenjam taj zapisnik koji je vama predočen, a vi ste u tom smislu jedini mjerodavni da utvrdite kako ćete tu formulaciju napraviti.

Zastupnica Azra Tajić ističe: da se nadovežem ovdje oko ove nedoumice što lično ja smatram da je u ovom slučaju Služba Skupštine u pravu. Ne može ga imenovati kao zamjenika predsjedavajućeg jer Skupština njega nije imenovala kao zamjenika predsjedavajućeg već Poslovnik u članu 7. jasno kaže ko saziva sjednicu Skupštine, kaže »saziva je predsjedavajući Skupštine iz prethodnog saziva i predsjedava sjednicom Skupštine do izbora predsjedavajućeg u novom sazivu«. I šta Vama kolega Nisvete nije jasno tu?

Ne može Vas stavljati u zapisnik kao zamjenika predsjedavajućeg kad vas uopšte ovo zakonodavno tijelo nije izglasalo.

Zastupnik Nisvet Jusić, ističe: Dakle, kada neko citira odredbu određenog člana onda radi istinitosti, jer kad neko kaže pola istine to ustvari nije potpuna istina i to je ono nešto drugo. Dakle, morate reći potpunu istinu da bi nešto kao takvo bilo kompletno.

U ovom slučaju vi ste kolegice da bi pojasnili meni, ili kome već pojašnjavate u svom stilu to što ste htjeli, trebali citirati cjelokupan član 7. i sve odredbe iz tog člana i tada bi Vam to bilo kud i kamo jasnije. Dakle, ono što sam ja rekao, konstatirao, mislim da će u stenogramu biti jasno. Ja mogu i ponoviti neke stvari jer možda ne slušamo sve.

Ukoliko smo koristili formulaciju koju smo koristili za vanredne sjednice, a imamo ovdje izvod iz zapisnika sa 1. i 2. vanredne sjednice, dakle shodno tome i shodno aktima koji su potpisani, dakle ja sam davno uputio jedan zahtjev Službi skupštine kojim sam tražio, nisam dobio odgovor još na njega, da se definiše taj status i da se ta stvar jednom iščisti, upravo kako ne bi smo došli u ovu poziciju.

Dakle, mislim da ovo što sam tražio je sasvim ispravno, korektno, ne vidim razlog zašto to može bilo kome da bude smetnja. Pozivam, samo tražim da se ono što stoji u članu 7. definiše i da to stoji u izvodu iz zapisnika.

Jasmin Musić, predsjedavajući Skupštine Unsko-sanskog kantona, zatvara diskusiju i moli zastupnike da se izjasne pojedinačno o zapisnicima u obliku u kojem su i dostavljeni u materijalima:

- Zapisnik sa Konstituirajuće sjednice održane dana 14.11.2022.godine, 02.12.2022.godine i 28.02.2023.godine, koji je sa 20 glasova »za«, 1.glasom »protiv« i 3 glasa »suzdržan«, dobio potrebnu većinu,
- Zapisnik sa 1. vanredne sjednice održane dana 23.12.2022.godine, koji je sa 24 glasa »za«, bez glasova »protiv« i 2 glasa »suzdržan«, dobio potrebnu većinu,
- Zapisnik sa 2.vanredne sjednice održane dana 25.01.2023.godine, koji je sa 24 glasa »za«, bez glasova »protiv« 1.glasom »suzdržan«, dobio potrebnu većinu,
- Zapisnik sa 3.vanredne sjednice održane dana 15.03.2023.godine, koji je sa 25 glasova »za«, bez glasova »protiv« i 1.glasom »suzdržan«, dobio potrebnu većinu,
- Zapisnik sa 1.redovne sjednice održane dana 20.03.2023.godine, koji je sa 26 glasova »za«, bez glasova »protiv« i 1.glasom »suzdržan«, dobio potrebnu većinu.

## **Ad.-2**

### **Poslanička pitanja;**

Jasmin Musić, predsjedavajući Skupštine Unsko-sanskog kantona, upozna je Skupštinu da su na 1.redovnoj sjednici zastupnici postavili ukupno 8 poslaničkih pitanja u pisanoj formi, 6 pitanja u usmenoj formi te su podnesene 3 inicijative. Napominje, da su do održavanja današnje sjednice dostavljena 2 odgovora na poslanička pitanja i to zastupnice Elvire Abdić Jelenović i zastupnika Jasmina Hušić, te ovim putem traži od premijera i ministara u Vladi Unsko-sanskog kantona da u poslovničkom roku odgovaraju na postavljena poslanička pitanja.

Poslanička pitanja postavili su:

Emir Dautović, Fatka Kulenović, Nijaz Kadirić, Elvira Abdić Jelenović, Azhar Sejarić, Azra Tajić i Jasmin Hušić.

## **Ad.-3**

### **Izbor i imenovanja**

- a) Rang lista – lista sa najboljim kandidatima za izbor članova Nezavisnog odbora sa prijedlogom Odluke;

Agan Bunić, predsjedavajući Komisije za izbor, imenovanja i finansijsko administrativna pitanja, obrazložio je materijal.

Učešće u diskusiji uzeli su: Zikrija Duraković, Fatka Kulenović i Mehmed Mahmić.

Na zahtjev Kluba POMAK, pauza u trajanju od 15 minuta (11,15 – 11,30 sati)

Po završetku pauze, na zahtjev zastupnika Zikrije Duraković, pojedinačnim glasanjem utvrđeno je da predmetni materijal sa 10 glasova »za«, bez glasova »protiv« i 19 glasova »suzdržan«, nije dobio potrebnu većinu.

## **Ad.-4**

- a) **Prijedlog Budžeta Unsko-sanskog kantona za 2023.godinu i**
- b) **Prijedlog Zakona o izvršavanju Budžeta Unsko-sanskog kantona za 2023.godinu**

Izvjestioci: Sanel Mahić, ministar Ministarstva finansija i Mustafa Ružnić, Premijer Unsko-sanskog kantona.

Ispred radnih tijela: Sanil Hasić, predsjedavajući Komisije za ustavna, zakonodavno pravna i pitanja evropskih integracija i Fatka Kulenović, predsjedavajuća Komisije za budžet, ekonomsku i finansijsku politiku.

Po Poslovniku za riječ se javio zastupnik Almin Hopovac.

Jasmin Musić, predsjedavajući Skupštine Unsko-sanskog kantona, daje pauzu u trajanju od 15 minuta za se kopiraju i tehnički dostave amandmani zastupnicima (11,45 – 12,00 sati).

Učešće u diskusiji uzeli su: Jasmin Hušić, Agan Bunić, Jasmin Hušić (replika), Fatka Kulenović (replika), Agan Bunić (replika), Asmir Ćufurović (replika), Azra Tajić (replika), Zikrija Duraković (replika), Hajrudin Halilović (replika), Zikrija Duraković (replika)

Jasmin Musić, predsjedavajući Skupštine Unsko-sanskog kantona, obzirom da ima zahtjeve za pauzu isti prijedlog daje na glasanje, te konstatuje da je jednoglasno usvojena pauza u trajanju od 45 minuta (13,00 – 13,45 sati).

Nastavak diskusija: Emir Dautović, Elvira Abdić Jelenović, Asmir Ćufurović (replika), Emir Dautović (replika) Amir Murić (replika), Emir Dautović (replika), Elvira Abdić Jelenović (replika), Fatka Kulenović, Asmir Ćufurović, Nisvet Jusić, Almin Hopovac, Azra Tajić, Hajrudin Halilović, Sanil Hasić, Azhar Sejarić, Zinajda Hadžić, Almin Hopovac (replika) i Mladen Lonić.

Nakon zaključenja rasprave, za riječ javio se Mustafa Ružnić, premijer Unsko-sanskog kantona i Sanel Mahić, ministar Ministarstva finansija.

Pauza u trajanju od 10 minuta za sjednicu Komisije za ustavna, zakonodavno pravna i pitanja europskih integracija (15,45- 16,00 sati).

Nakon završetka pauza, Sanil Hasić, obrazlaže stavove Komisije za ustavna, zakonodavno pravna i pitanja europskih integracija.

Jasmin Musić, predsjedavajući Skupštine Unsko-sanskog kantona, daje na glasanje sljedeće:

Zaključak, predložen od zastupnika Hušić Jasmina kojim se zadužuje se Ured Vlade Unsko-sanskog kantona i Služba Skupštine Unsko – sanskog kantona da sve materijale koji se dostavljaju Skupštini USK-a na razmatranje i usvajanje, pored originalnog štampanog primjerka koji se zadržava u arhivi Skupštine USK-a, dostavljaju u portabl dokument formatu, to jest PDF-u, koji je kreiran eksportovanjem, dakle izvozom dokumenta neposredno iz programa za obradu teksta, to jest Worda, ili tablica to jest Excela, kako bi se zastupnicima omogućilo efikasnije i ekonomičnije pretraživanje dokumenata u cilju što kvalitetnije obrade materijala koji se razmatraju na sjednici Skupštine, dobio je potrebnu većinu sa 27 glasova za«, bez glasova »protiv« i 1.glas »suzdržan«.

Prijedlog zaključka, predložen od strane zastupnika: Tajić Azre, Konjević Rusmire, Duraković Zikrije, Hušić Jasmina i Šuhreta Fazlić, da se u prijedlogu Budžeta Unsko-sanskog kantona za 2023.godinu u okviru poticajnih sredstava izdvoje sredstva za nabavku sadnog materijala i mineralnog đubriva, nabavku muznih grla, teladi i tovnih junadi, tovnih pilića, te sufinansiranje krčenja i čišćenja neobrađivih i teško obrađivih površina koje će nakon toga

biti pogodne za sjetvu, sa 11 glasova »za«, 1.glasom »protiv« i 16 glasova »suzdržan«, nije dobio potrebnu većinu.

Zaključak, predložen od zastupnika Halilović Hajrudina, kojim se zadužuje se Vlada Unsko – sanskog kantona da Skupštini Kantona dostavi prijedlog članova privremenog Upravnog odbora Agencije za privatizaciju USK-a, koji će nakon imenovanja predložiti Vladi Unsko sanskog kantona prijedlog kandidata za direktora Agencije za privatizaciju Unsko – sanskog kantona radi konačnog imenovanja, sa 27 glasova »za«, bez glasova »protiv« i 1.glas »suzdržan« dobio je potrebnu većinu.

Jasmin Musić, predsjedavajući Skupštine Unsko-sanskog kantona, daje na glasanje sljedeće:

Amandman I na Prijedlog Budžeta Unsko-sanskog kantona za 2023.godinu, podnesen od zastupnika Hušić Jasmina koji glasi: "U Budžetu Unsko-sanskog kantona za 2023. godinu, u članu 3. razdjel 10, glava 01, potrošačka jedinica 0001, funkcija 0111, na poziciji ekonomskog koda 614300-subanalitika AAN001, Grantovi neprofitnim organizacijama - Parlamentarne stranke i pojedinci, iznos od 500.000 KM umanjiti za iznos od 300.000 KM i u članu 3. razdjel 16, glava 01, potrošačka jedinica 0001, funkcija 1090 na poziciji ekonomskog koda 614100 subanalitika GAN018, Grant općinama za provođenje Zakona o pravima boraca iznos od 1.500.000 KM umanjiti za iznos od 500.000 KM. Umanjeni iznos sa navedenih ekonomskih kodova, u ukupnom iznosu od 800.000 KM, dodati iznosu od 200.000 KM predviđenom u članu 3. razdjel 19, glava 01, potrošačka jedinica 0001 funkcija 0660 na poziciji ekonomskog koda 614200 subanalitika JAM001 Tekući grantovi pojedincima subvencioniranje stambenog zbrinjavanja mladih, tako da taj ekonomski kod iznosi ukupno 1.000.000 KM", sa 8 glasova »za«, bez glasova »protiv« i 18 glasova »suzdržan«, nije dobio potrebnu većinu.

Amandman II na Prijedlog Budžeta Unsko-sanskog kantona za 2023.godinu, podnesen od zastupnika Hušić Jasmina koji glasi: "U Budžetu Unsko-sanskog kantona za 2023. godinu u članu 3. razdjel 18, glava 01, potrošačka jedinica 0001, funkcija 0980, na poziciji ekonomskog koda 614300 – subanalitika IAN001, Grant za vjeru iznos od 1.300.000 KM umanjiti za iznos od 300.000 KM i u članu 3. razdjel 18, glava 01, potrošačka jedinica 0001, funkcija 0980, na poziciji ekonomskog koda 614400 – subanalitika IA0003, Grant za informisanje iznos od 200.000 KM umanjiti za 200.000 KM. Umanjeni iznos sa navedenih ekonomskih kodova u ukupnom iznosu od 500.000 KM, ugraditi u članu 3. razdjel 12, glava 01, potrošačka jedinica 0001 funkcija 0310, na novi ekonomski kod 821200 - Izgradnja zgrade Policijske uprave IV – policijska stanica Velika Kladuša u Velikoj Kladuši (prva faza), tako da taj novi ekonomski kod koji ovim amandmanom otvara iznosi ukupno 500.000 KM", sa 8 glasova »za«, bez glasova »protiv« i 18 glasova »suzdržan« nije dobio potrebnu većinu.

Amandman III na Prijedlog Budžeta Unsko-sanskog kantona za 2023.godinu, podnesen od zastupnika Hušić Jasmina koji glasi: "U Budžetu Unsko-sanskog kantona za 2023. godinu u članu 3. razdjel 18, glava 01, potrošačka jedinica 0001, funkcija 0980, na poziciji ekonomskog koda 615100 - subanalitika IAU014 kapitalni grantovi grad Cazin - projekat obnove dvorca Lotara Berkša u sastavu nacionalnog spomenika „Stari grad Ostrožac" iznos od 2.000.000 KM umanjiti za iznos od 500.000 KM. Umanjeni iznos sa navedenog ekonomskog koda u ukupnom iznosu od 500.000 KM ugraditi u članu 3. razdjel 27, glava 01, potrošačka jedinica 0001, funkcija 0220, Kapitalni grantovi drugim nivoima vlasti i fondovima, na novi ekonomski kod 615100 – Izgradnja zgrade vatrogasnog doma Vatrogasne

jedinice Velika Kladuša u Velikoj Kladuši (prva faza), tako da taj novi ekonomski kod koji se ovim amandmanom otvara iznosi ukupno 500.000 KM", sa 7 glasova »za«, 1.glasom »protiv« i 19 glasova »suzdržan« nije dobio potrebnu većinu.

Amandman IV na Prijedlog Budžeta Unsko-sanskog kantona za 2023.godinu, podnesen od zastupnika Hušić Jasmina koji glasi: "U Budžetu Unsko-sanskog kantona za 2023. godinu u članu 3. razdjel 18, glava 01, potrošačka jedinica 0001, funkcija 0980, iznos na poziciji ekonomskog koda 615100 subanalitika IAU014, kapitalni grantovi grad Cazin - projekat obnove dvorca Lotara Berkša u sastavu nacionalnog spomenika „Stari grad Ostrožac“ umanjiti za iznos od 500.000 KM. Umanjeni iznos sa navedenog ekonomskog koda u ukupnom iznosu od 500.000 KM ugradi u članu 3. razdjel 20, glava 01, potrošačka jedinica 0001, funkcija 0421, Kapitalni grantovi drugim nivoima vlasti i fondovima, na novi ekonomski kod 615100 - Sufinansiranje izgradnje postrojenja za prečišćavanje pitke vode u Bihaću – J.P. Vodovod Bihać, tako da taj novi ekonomski kod koji se ovim amandmanom otvara iznosi ukupno 500.000 KM", sa 7 glasova »za«, bez glasova »protiv« i 19 glasova »suzdržan«, nije dobio potrebnu većinu.

Amandman V na Prijedlog Budžeta Unsko-sanskog kantona za 2023.godinu, podnesen od zastupnika Hušić Jasmina koji glasi: "U Budžetu Unsko-sanskog kantona za 2023. godinu u članu 3. razdjel 18, glava 01, potrošačka jedinica 0001, funkcija 0980, iznos na poziciji ekonomskog koda 614100 subanalitika IAN008, Grant predškolsko obrazovanje – dječji vrtići iznos od 5.100.000 KM umanjiti za iznos od 85.000 KM. Umanjeni iznos sa navedenog ekonomskog koda u ukupnom iznosu od 85.000 KM ugradi u članu 3. razdjel 18, glava 01, potrošačka jedinica 0001, funkcija 0980, na novi ekonomski kod 615100 - Grant za dogradnju objekta JU Dječje obdanište Velika Kladuša, tako da taj novi ekonomski kod koji se ovim amandmanom otvara iznosi ukupno 85.000 KM", sa 8 glasova »za«, 1.glasom »protiv« i 18 glasova »suzdržan«, nije dobio potrebnu većinu.

Amandman I na Prijedlog Zakona o izvršavanju Budžeta Unsko-sanskog kantona za 2023.godinu, podnesen od zastupnika Hušić Jasmina koji glasi: "U prijedlogu Zakona o izvršenju Budžeta USK za 2023. godinu, u članu 47. poslije stava (5) dodaje se novi stav (6) koji glasi: „Sredstva utvrđena u razdjelu 18 pozicija 'Grant za dogradnju objekta JU Dječje obdanište Velika Kladuša' izvršavat će se po programu utroška sredstava kojeg na prijedlog resornog ministarstva donosi Vlada. Ostali stavovi se broјčano usklađuju tako da dosadašnji stav (6) postaje stav (7), stav (7) postaje stav (8), stav (8) postaje stav (9), a dosadašnji stav (9) se briše", sa 8 glasova »za«, bez glasova »protiv« i 19 glasova »suzdržan«, nije dobio potrebnu većinu.

Amandman II na Prijedlog Zakona o izvršavanju Budžeta Unsko-sanskog kantona za 2023.godinu, podnesen od zastupnika Hušić Jasmina koji glasi: "U članu 54. stav (4) poslije riječi: „Općine Ključ“ dodaje se interpunkcijski znak „zarez“ i riječi: „Kapitalni grantovi drugim nivoima vlasti i fondovima, za sufinanciranje projekta: "Izgradnje postrojenja za prečišćavanje pitke vode u Bihaću – J.P. Vodovod Bihać". Poslije stava (4) dodaje se novi stav (5) koji glasi: „U razdjelu 27 Budžeta Kapitalni grantovi drugim nivoima vlasti i fondovima, sredstva za financiranje projekta: Izgradnja zgrade vatrogasnog doma Vatrogasne jedinice Velika Kladuša u Velikoj Kladuši (prva faza), izvršavat će se po osnovu zahtjeva Općine Velika Kladuša i programa utroška sredstava kojeg na prijedlog resornog ministarstva donosi Vlada". Ostali stavovi se broјčano usklađuju tako da dosadašnji stav (5) postaje stav (6), stav (6) postaje stav (7), a stav (7) postaje stav (8)", sa 8 glasova »za«, 1.glasom »protiv« i 18 glasova »suzdržan«, nije dobio potrebnu većinu.

Amandman I na Prijedlog Budžeta Unsko-sanskog kantona za 2023.godinu, podnesen od zastupnika Sejarić Azhara koji glasi: "U prijedlogu Budžeta Unsko-sanskog kantona za 2023. godinu tražim da se u članu 3, razdjel 10, glava 01, potrošačka jedinica 0001, ekonomski kod 614300, subanalitika AAN001, funkcija 0111, „Grantovi neprofitnim organizacijama-Parlamentarne stranke i pojedinci" u iznosu od 500.000,00 KM, umanjiti za 200.000,00 KM i u razdjelu 12, glava 02, potrošačka jedinica 0001, ekonomski kod 821300, „Prevozna oprema“ u iznosu od 1.800.000,00 KM umanjiti za 50.000,00 KM te da se taj iznos od ukupno 250.000,00 KM raspodjeli i ugradi na sljedeći način: U razdjel 18, glava 03, potrošačka jedinica 0029, ekonomski kod 611000, funkcija 0912, „Bruto plaće i naknada plaća“ da se poveća za 200.000,00 KM U razdjel 18, glava 03, potrošačka jedinica 0029, ekonomski kod 821300, Subanalitika ICX007, funkcija 0912 „Nabavka opreme - inventar" poveća za 20.000,00 KM U razdjelu 18, glava 03, potrošačka jedinica 0029, ekonomski kod 821300 dodati novi kod u iznosu od 30.000,00 KM „Nabavka vozila za CRIP", sa 9 glasova »za«, 1.glasom »protiv« i 18 glasova »suzdržan«, nije dobio potrebnu većinu.

Amandman II na Prijedlog Budžeta Unsko-sanskog kantona za 2023.godinu, podnesen od zastupnika Sejarić Azhara koji glasi: "U prijedlogu Budžeta Unsko-sanskog kantona za 2023. godinu tražim da se u razdjelu 12, glava 02, potrošačka jedinica 0001, ekonomski kod 821300, subanalitika CBX002, funkcija 0310, „Prevozna oprema" u iznosu od 1.800.000,00 KM umanjiti za 70.000,00 i rasporedi na sljedeći način: U razdjelu 19, glava 01, potrošačka jedinica 0001, funkcija 0660, na ekonomski kod 615100 ugradi novi, Kapitalni grantovi-općina Ključ- Sportsko-rekreativni centar „Ključ" (projektna dokumentacija) u iznosu od 70.000,00 KM", sa 9 glasova »za«, 1.glasom »protiv« i 18 glasova »suzdržan«, nije dobio potrebnu većinu.

Amandman III na Prijedlog Budžeta Unsko-sanskog kantona za 2023.godinu, podnesen od zastupnika Sejarić Azhara koji glasi: "U prijedlogu Budžeta Unsko-sanskog kantona za 2023. godinu tražim da se u razdjelu 12, glava 02, potrošačka jedinica 0001, ekonomski kod 821300, subanalitika CBX002, funkcija 0310, „Prevozna sredstva" u iznosu od 1.800.000 KM umanjiti za 500.000 KM, u razdjelu 15, glava 01, potrošačka jedinica 0001, ekonomski kod 614500, subanalitika FAP002, funkcija 0490 „Subvencije preduzećima i poduzetnicima" u iznosu od 5.000.000 KM umanjiti za 500.000 KM, u razdjelu 18, glava 01, potrošačka jedinica 0001. ekonomski kod 614300, subanalitika IAN001, funkcija 0980, „Grant za vjeru" u iznosu od 1.300.000 KM umanjiti za 400.0000 KM, ukupni umanjeni iznos od 1.400.000 KM dodati iznosu od 1.450.000 KM na razdjelu 17, glava 01, potrošačka jedinica 0001, ekonomski kod 614100, subanalitika HAM016, funkcija 1090 „Porodilje van radnog odnosa/HAM006" tako da ukupan iznos na tom kodu bude 2.850.000 KM", sa 9 glasova »za«, 1.glasom »protiv« i 17 glasova »suzdržan«, nije dobio potrebnu većinu

Amandman IV na Prijedlog Budžeta Unsko-sanskog kantona za 2023.godinu, podnesen od zastupnika Sejarić Azhara koji glasi: "U prijedlogu Budžeta Unsko-sanskog kantona za 2023. godinu tražim da se umanjiti „Tekuća rezerva“ za 100.000 KM, iznos od 100.000 KM ugraditi u razdjelu 18, glava 03, potrošačka jedinica 0029, ekonomski kod 821600 kao „Nastavak izgradnje sportske sale u MZ Krasulje", sa 10 glasova »za«, bez glasova »protiv« i 18 glasova »suzdržan«, nije dobio potrebnu većinu.

Amandman na prijedlog Budžeta Unsko-sanskog kantona za 2023.godinu, podnesen od 5 zastupnika Tajić Azre, Konjević Rusmire, Duraković Zikrije, Hušić Jasmina i Fazlić Šuhreta, pojedinačnim izjašnjavaњem, sa 8 glasova »za«, 2 glasa »protiv« i 18 glasova »suzdržan«, nije dobio potrebnu većinu.

Skupština Unsko-sanskog kantona, sa 19 glasova »za«, bez glasova »protiv« i 9 glasova »suzdržan«, usvojila je Budžet Unsko-sanskog kantona za 2023. godinu.

Skupština Unsko-sanskog kantona, sa 19 glasova »za«, 1.glasom »protiv« i 8 glasova »suzdržan«, usvojila je Zakon o izvršavanju Budžeta Unsko-sanskog kantona za 2023.godinu.

#### **Ad.-5**

**Finansijski plan Zavoda zdravstvenog osiguranja Unsko-sanskog kantona za 2023.godinu i Odluka o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2023.godinu**

Izvjestilac: Mirza Tatarević, v.d. direktora.

Ispred radnih tijela: Fatka Kulenović, predsjedavajuća Komisije za budžet, ekonomsku i finansijsku politiku i Hajrudin Halilović, predsjedavajući Komisije za zdravstvo, boračka pitanja, rad i socijalnu politiku.

Učešće u diskusiji uzeli su: Emir Šabić, Hajrudin Halilović, Nijaz Kadirić, Emir Dautović, Zinajda Hadžić, Azra Tajić, Nisvet Jusić, Amir Murić, Abid Mulalić, Fatka Kulenović, Amir Murić (replika), Fatka Kulenović (replika), Rusmira Konjević (replika) Amir Murić (replika) Agan Bunić, Hajrudin Halilović (replika), Rusmira Konjević (replika), Emir Šabić (replika), Agan Bunić (replika), Duraković Zikrija, Rusmira Konjević, Emir Šabić (replika) i Šuhret Fazlić.

Nakon zaključenja rasprave, za riječ se javila Mirza Tatarević, v.d. direktora i Muris Halkić, ministar Ministarstva zdravstva, rada i socijalne politike.

Jasmin Musić, predsjedavajući Skupštine Unsko-sanskog kantona, daje na glasanje sljedeći:

Zaključak, predložen od zastupnika Nisveta Jusić, kojim se zadužuje Zavod zdravstvenog osiguranja Unsko-sanskog kantona da iz vlastitih sredstava planira sufinansiranje i refundaciju troškova dijagnosticanja testa pod nazivom „mama print“ koji služi kao indikator za određivanje načina liječenja kemoterapija ili hormonske terapije onkoloških bolesnika, sa 25 glasova »za«, bez glasova »protiv« i »suzdržan«, dobio je potrebnu većinu.

Zaključak, predložen od ministra Murisa Halkića, kojim se zadužuje se Zavod zdravstvenog osiguranja Unsko-sanskog kantona da prilikom donošenja rebalansa Finansijskog plana Zavoda zdravstvenog osiguranja Unsko-sanskog kantona za 2023.godinu u isti uvrsti,

odnosno prizna Općoj bolnici Sanski Most bolničke timove ginekologije, hirurgije i anestezije, sa 24 glasa »za«, bez glasova »protiv« i »suzdržan«, dobio je potrebnu većinu.

Skupština Unsko-sanskog kantona, sa 23 glasa »za«, bez glasova »protiv« i 1.glasom suzdržan«, donosi sljedeću

#### ODLUKU

Daje se saglasnost na Finansijski plan Zavoda zdravstvenog osiguranja Unsko –sanskog kantona za 2023. godinu i Odluku o načinu izvršavanja Finansijskog plana Zavoda zdravstvenog osiguranja Unsko – sanskog kantona za 2023.godinu.

#### Ad.-6

**Finansijski plan JU »Služba za zapošljavanje Unsko-sanskog kantona« Bihać za 2023.godinu i Odluka o izvršenju finansijskog plana JU »Služba za zapošljavanje Unsko-sanskog kantona« Bihać za 2023.godinu**

Bez diskusija, sa 18 glasova „za“, bez glasova „protiv“ i 2 glasa „suzdržan“ Skupština Unsko-sanskog kantona donosi sljedeću

#### ODLUKU

Daje se saglasnost na Finansijski plan JU „Služba za zapošljavanje Unsko – sanskog kantona“ Bihać za 2023.godinu, broj:01-365-1/23 od 30.03.2023.godine i Odluku o izvršenju Finansijskog plana JU „Služba za zapošljavanje Unsko – sanskog kantona“ Bihać za 2023.godinu, broj:01-368-1/23 od 30.03.2023.godine.

S ovim je završena 2. redovna sjednica Skupštine Unsko-sanskog kantona.

Sekretar Skupštine  
Unsko – sanskog kantona  
Dragana Bajrić, dipl.pravnik

Predsjedavajući Skupštine  
Unsko-sanskog kantona  
Jasmin Musić, mr.politologije